

诸子百家之杂家

蒙
求

中国古典精华文库

蒙 求

著

王戎简要，裴楷清通。孔明卧龙，吕望非熊。杨震关西，
丁宽易东。

谢安高洁，王导公忠。匡衡凿壁，孙敬闭户。郗都苍鹰，
宁成乳虎。

周嵩狼抗，梁冀跋扈。郗超髯参，王 短簿。伏波标柱，
博望寻河。

李陵初诗，田横感歌。武仲不休，士衡患多。桓谭非讖，
王商止讹。

嵇吕命驾，程孔倾盖。剧孟一敌，周处三害。胡广补阙，
袁安倚赖。

黄霸政殊，梁习治最。墨子悲丝，杨朱泣岐。朱博乌集，
萧芝雉随。

杜后生齿，灵王出髭。贾谊忌 ，庄周畏牺。燕昭筑台，
郑庄置驿。

靖二妙，岳湛连璧。郗诜一枝，戴冯重席。邹阳长裾，
王符逢掖。

鸣鹤日下，士龙云间。晋宣狼顾，汉祖龙颜。鲍靓记井，
羊祜识环。

仲容青云，叔夜玉山。毛义捧檄，子路负米。江革忠孝，
王览友弟。

萧何定律，叔孙制礼。葛丰刺举，息躬历诋。管宁割席，
和峤专车。

时苗留犊，羊续悬鱼。樊哙排闼，辛毗引裾。孙楚漱石，
郝隆晒书。

枚皋诣阙，充国自赞。王衍风鉴，许劭月旦。贺循儒宗，
孙绰才冠。

太叔辨洽，挚仲辞翰。山涛识量，毛公方。袁盎却座，卫抚床。

于公高门，曹参趣装。庶女振风，邹衍降霜。范丹生尘，晏婴脱粟。

诘汾兴魏，鬻灵王蜀。不疑诬金，卞和泣玉。檀卿沐猴，谢尚鸂鶒。

泰初日月，季野阳秋。荀陈德星，李郭仙舟。王卜屯绣被，张氏铜钩。

丁公遽戮，雍齿先侯。陈雷胶漆，范张鸡黍。周侯山嶷，会稽霞举。

季布一诺，阮瞻三语。郭文游山，袁宏泊渚。黄琬对日，秦宓论天。

孟轲养素，扬雄草玄。向秀闻笛，伯牙绝弦。郭槐自屈，南郡犹怜。

鲁恭驯雉，宋均去兽。广客蛇影，殷师牛斗。元礼模楷，季彦领袖。

鲁褒钱神，崔烈铜臭。梁竦庙食，赵温雄飞。枚乘蒲轮，郑均白衣。

陵母伏剑，轲亲断机。齐后破环，谢女解围。凿齿尺牍，荀勖音律。

胡威推缣，陆绩怀橘。罗含吞鸟，江淹梦笔。李清真，刘高率。

蒋诩三径，许由一瓢。杨仆移关，杜预建桥。寿王议鼎，杜林驳尧。

西施捧心，孙寿折腰。灵辄扶轮，魏颗结草。逸少倾写，平子绝倒。

澹台毁璧，子罕辞宝。东平为善，司马称好。公超雾市，

鲁般云梯。

田单火牛，江 鸡。蔡裔殒盗，张辽止啼。陈平多辙，李广成蹊。

陈遵投辖，山简倒载。渊客泣珠，交甫解佩。龚胜不屈，孙宝自劾。

吕安题凤，子猷访戴。董宣强项，翟璜直言，纪昌贯虱，养由号猿。

冯衍归里，张昭塞门。苏韶鬼灵，卢充幽婚。震畏四知，秉去三惑。

柳下直道，叔敖阴德。张汤巧诋，杜周深刻。三王尹京，二鲍纠慝。

孙康映雪，车胤聚萤。李充四部，井春五经。谷永笔札，顾恺丹青。

戴逵破琴，谢敷应星。阮宣杖头，毕卓瓮下。文伯羞螿，孟宗寄 。

史丹青蒲，张湛白马。隐之感邻，王修辍社。阮放八隗，江 四凶。

华歆忤旨，陈群蹙容。王 悬刀，丁固生松。姜维胆斗，卢植音钟。

桓温奇骨，邓艾大志。杨修捷对，罗友默记。杜康造酒，苍颉制字。

樗里智囊，边韶经笥。滕公佳城，王果石崖。买妻耻醮，泽室犯斋。

马后大练，孟光荆钗。颜叔秉烛，宋弘不谐。邓通铜山，郭况金穴。

秦彭樊辕，侯霸卧辙。淳于炙 果，彦国吐屑。太真玉台，武子金埒。

巫马戴星，宓贱弹琴。郝廉留钱，雷义送金。逢萌挂冠，胡昭投簪。

王乔双凫，华佗五禽。程邈隶书，史籀大篆。王承鱼盗，丙吉牛喘。

贾琮褰帷，郭贺露冕。冯媛当熊，班女辞辇。王充阅市，董生下帷。

平叔傅粉，弘治凝脂。杨生黄雀，毛子白龟。宿瘤采桑，漆室忧葵。

韦贤满心，夏侯拾芥。阮简旷达，袁耽俊迈。苏武持节，郑众不拜。

郭巨将坑，董永自卖。仲连蹈海，范蠡泛湖。文宝缉柳，温舒截蒲。

伯道无儿，嵇绍不孤。绿珠坠楼，文君当垆。伊尹负鼎，宁戚叩角。

赵壹坎，颜驷蹇剥。龚遂劝农，文翁兴学。晏御扬扬，五鹿岳岳。

萧朱结绶，王贡弹冠。庞统展骥，仇览栖鹰。葛亮顾庐，韩信升坛。

王褒柏惨，闵损衣单。蒙恬制笔，蔡伦造纸。孔 袍，祭遵布被。

周公握发，蔡邕倒屣。王敦倾室，纪瞻出妓。暴胜持斧，张纲埋轮。

灵运曲笠，林宗折巾。屈原泽畔，渔父江滨。魏勃扫门，潘岳望尘。

京房推律，翼奉观性。甘宁奢侈，陆凯贵盛。干木富义，於陵辞聘。

元凯传癖，伯英草圣。冯异大树，千秋小车。漂母进食，

孙钟设瓜。

壶公谪天，蓟训历家。刘玄刮席，晋惠闻蟆。伊籍一拜，
酈生长揖。

马安四至，应璩三入。郭解借交，朱家脱急。虞延克期，
盛吉垂泣。

豫让吞炭，触槐。阮孚蜡屐，祖约好财。初平起石，
左慈掷杯。

武陵桃源，刘阮天台。王俭坠车，褚渊落水。季伦锦障，
春申珠履。

甄后出拜，刘桢平视。胡嫔争鬋，晋武伤指。石庆数马，
孔光温树。

翟汤隐操，许询胜具。优旃滑稽，落下历数。曼容自免，
子平毕娶。

师旷清耳，离娄明目。仲文照镜，临江折轴。栾巴巽酒，
偃师舞木。

德润佣书，君平卖卜。叔宝玉润，彦辅冰清。卫后发，
飞燕体轻。

玄石深湏，刘伶解醒。赵胜谢，楚庄绝纒。恶来多力，
飞廉善走。

赵孟疵面，田骈天口。张凭理窟，裴谈藪。仲宣独步，
子建八斗。

广汉钩距，弘羊心计。卫青拜幕，去病辞第。酈寄卖友，
纪信诈帝。

济叔不痴，周兄无慧。虞卿担簦，苏章负笈。南风擲孕，
商受涉。

广德从桥，君章拒猎。应奉五行，安世三篋。相如题柱，
终军弃。

孙晨槁席，原宪桑枢。端木辞金，钟离委珠。季札挂剑，徐稚致刍。

朱云折槛，申屠断鞅。卫 羊车，王恭鹤氅。管仲随马，苍舒称象。

丁兰刻木，伯瑜泣杖。陈逵豪爽，田方简傲。黄向访主，陈 遗盗。

庞俭凿井，阴方祀灶。韩寿窃香，王 市帽。句践投醪，陆抗尝药。

孔愉放龟，张顛堕鹄。田豫俭素，李恂清约。义纵攻剽，周阳暴虐。

孟阳掷瓦，贾氏如皋。颜回箪瓢，仲蔚蓬蒿。糜竺收资，桓景登高。

雷焕送剑，吕虔佩刀。老莱斑衣，黄香扇枕。王祥守奈，蔡顺分椹。

淮南食时，左思十稔。刘 炎倾酿，孝伯痛饮。女娲补天，长房缩地。

季 士首，长孺国器。陆玩无人，贾诩非次。何晏神伏，郭奕心醉。

常林带经，高凤漂麦。孟嘉落帽，庾凯堕帻。龙逢板出，张华台坼。

董奉活甓，扁鹊起虢。寇恂借一，何武去思。韩子孤愤，梁鸿五噫。

蔡琰辨琴，王粲覆棋。西门投巫，何谦焚祠。孟尝还珠，刘昆反火。

姜肱共被，孔融让果。端康相代，亮陟隔坐。赵伦留怪，梁孝牛祸。

桓典避马，王尊叱驭。晁错峭直，赵禹廉倨。亮遗巾帼，

备失匕箸。

张翰适意，陶潜归去。魏储南馆，汉相东阁。楚元置醴，陈蕃下榻。

广利泉涌，王霸冰合。孔融坐满，郑崇门杂。张堪折辕，周镇漏船。

郭 竹马，刘宽蒲鞭。许史侯盛，韦平相延。雍伯种玉，黄寻飞钱。

王允千里，黄宪万顷。虞斐才望，戴渊锋颖。史鱼黜殡，子囊城郢。

戴封积薪，耿恭拜井。汲黯开仓，冯 折券。齐景驱千，何曾食万。

顾荣锡炙，田文比饭。稚 蛙鸣。彦伦鹤怨。廉颇负荆，须贾擢发。

孔翊绝书，申嘉私谒。渊明把菊，真长望月。子房取履，释之结袜。

郭丹约关，祖逖誓江。贾逵问事，许慎无双。娄敬和亲，白起坑降。

萧史凤台。宋宗鸡窗。王阳囊衣，马援薏苡。刘整交质，五伦十起。

张敞画眉，谢鲲折齿。盛彦感螭，姜诗跃鲤。宗资主诺，成 晋坐啸。

伯成辞耕，严陵去钓。董遇三余，谯周独笑。将闾仰天，王凌呼庙。

二疏散金，陆贾分橐。慈明八龙，祢衡一鹞。不占隕车，子云投阁。

魏舒堂堂，周舍谔谔。无盐如漆，姑谢若冰。邾子投火，王思怒蝇。

符朗皂白，易牙淄澠。周勃织薄。灌婴贩缯。马良白眉，阮籍青眼。

黥布开关，张良烧栈。陈遗饭感，陶侃酒限。楚昭萍实，束晰竹简。

曼倩三冬，陈思七步。刘宠一钱，廉范五 。汜毓字孤，郗鉴吐哺。

荀弟转酷，严母扫墓。洪乔掷水，陈泰挂壁。王述忿狷。荀粲惑溺。

宋女愈谨，敬姜犹绩。鲍照篇翰，陈琳书檄。浩浩万古，不可备甄。

芟繁摭华，尔曹勉旃。